

Tillaga að endurskoðuðum þingsköpum fyrir Fjórðungssamband Vestfirðinga

1. gr.

Ársþing Fjórðungssambands heitir Fjórðungsþing Vestfirðinga og er haldið að vori og málþing að hausti nefnist Haustþing Fjórðungssambands Vestfirðinga.

2. gr.

Þingið er haldið samkvæmt samþykktum sambandsins.

3. gr.

Formaður stjórnar sambandsins, eða annar í umboði hans, setur þingið og gengst fyrir kosningu þingforseta og varaforseta. Einnig ber hann tillögu um ritara upp fyrir þingið sem færa þinggerð í tölvu. Heimilt er að senda út og hljóðrita ræður þeirra sem til máls taka á þingfundum.

4. gr.

Kjörbréf fulltrúa skulu lögð fyrir þingið í upphafi þess, undirrituð af hlutaðeigandi sveitarstjórn, eða framkvæmdastjóra hennar. Þingfundur kýs þriggja manna kjörbréfanefnd til að athuga kjörbréf fulltrúa í upphafi þings og leggur hún niðurstöður sínar fyrir fundinn til samþykktar eða synjunar.

5. gr.

Fulltrúar skulu tilkynna þingforseta skriflega um þau málefni er þeir óska að komi til umræðu og sé jafnframt getið flutningsmanna. Þingforsetar ráða röð málanna á dagskránni.

6. gr.

Á þingum Fjórðungssambandsins starfa eftirfarandi nefndir; Fjórðungsnefnd sem fjallar um málefni er varða skipulag starfsemi FV, þar með talið áætlanir og reikningsskil. Allsherjarnefnd sem fjallar um málefni er varða sveitarfélög og samskipti þeirra við ríki, einnig kröfugerð og tillögur sambandsins til hins opinbera. Málum skal vísað í nefndir eftir eðli þeirra og skulu þær hafa samráð sín á milli eftir því sem þörf krefur. Kjósa má fleiri nefndir ef þurfa þykir. Rísi ágreiningur um til hvaða nefndar málum skuli vísað sker þingfundur úr.

Á þingum, þegar kosningar fara fram, skal þingið kjósa fimm manna kjörnefnd sem gera skal tillögur að skipun stjórnar og formanni hennar, einnig varastjórnar, fulltrúum í fastanefndir og varamenn þeirra, aðal- og varaendurskoðenda og í önnur embætti sem Fjórðungsþing skipar.

7. gr.

Meirihluti greiddra atkvæða ræður úrslitum á fundum. Mál er fallið ef atkvæði eru jöfn.

8. gr.

Tvær umræður skulu fara fram um hvert mál, þó er heimilt að víkja frá þessari reglu ef fundurinn samþykkir. Við lok fyrri umræðu skal málum vísað til nefnda. Eftir umfjöllun nefnda skal mál tekið til annarrar umræðu og afgreiðslu þings. Á dagskrá má taka mál, sem síðar koma fram, ef þingfundur leyfir.

9. gr.

Hver þingfulltrúi hefur leyfi til að koma með breytingar- eða viðaukatillögur, bæði við aðaltillögur og breytingartillögur. Breytingartillögur hafa forgangsrétt við atkvæðagreiðslur. Allar tillögur skal afhenda forseta skriflega, undirritaðar af þeim sem ber tillöguna fram, áður en til atkvæða er gengið.

10. gr.

Máli má víkja frá umræðu með rökstuddri dagskrá og skal hún borin undir atkvæði þingfundar.

11. gr.

Atkvæðagreiðsla fari fram með nafnakalli, ef þess er krafist, eða ef hún er óljós að dómi forseta. Sé óskað skriflegrar atkvæðagreiðslu, skal hún fara fram og skal stjórnin hafa tiltæka atkvæðaseðla miðað við atkvæði hvers þingfulltrúa.

12. gr.

Þegar forseti vill taka þátt í umræðum vikur hann sæti, en varaforseti gegnir þá forsetastörfum.

13. gr.

Fulltrúar skulu taka til máls úr ræðustóli og snúa máli sínu til forseta, sem sjá skal um, að fulltrúar taki til máls í rétttri röð, eftir því sem þeir hafa kvatt sér hljóðs. Enginn fulltrúi má í ræðu sinni lesa upp prentað mál, nema með leyfi forseta.

14. gr.

Enginn fulltrúi má taka oftár til máls en þrisvar sinnum við sömu umræðu í hverju máli, en þó skulu flutningsmenn máls og framsögumenn meiri- og minnihluta nefnda hafa rétt til að taka oftár til máls.

15. gr.

Forseta skal skylt að bera undir atkvæði hvort umræðum skuli hætt, ef fimm fulltrúar æskja þess skriflega.

16. gr.

Forseti sér um að góð regla sé á fundum og hefur rétt til að víta framkomu fulltrúanna í orðum og hátterni. Sé fulltrúi mjög ókurteis í orðum hefur forseti leyfi til að taka af honum orðið við þá umræðu. Skyldir skulu fulltrúarnir til að aðstoða forseta í að halda góðri reglu.

17. gr.

Þingfundir skulu öllum opnir á meðan húsrúm leyfir án málfrelsis og tillöguréttar. Heimilt er að halda lokaðan þingfund ef meirihluti þingfulltrúa samþykkir.

18. gr.

Þingsköpum þessum má breyta og þarf 2/3 hluta gildra atkvæða til að breytingin nái fram að ganga.

Tillaga lögð fram á Haustþingi Fjórðungssambands Vestfirðinga 2016.